



I. Ընդհանուր դրույթներ

1. Գավառի պետական համալսարանում (այսուհետ՝ ԳՊՀ, Համալսարան) գիտահետազոտական գործունեության իրականացման միասնական հայեցակարգը հիմնված է ԳՊՀ կանոնադրության վրա և համապատասխանում է Համալսարանի զարգացման ռազմավարական ծրագրին:
2. Համալսարանում գիտահետազոտական գործունեության իրականացման միասնական հայեցակարգը (այսուհետ՝ Հայեցակարգ) բխում է ԳՊՀ առաքելությունից:
3. Հայեցակարգը սահմանում է ԳՊՀ-ում գիտահետազոտական գործունեության իրականացման հիմնարար սկզբունքները, նպատակները, խնդիրները, ուղղություններն ու կառուցակարգերը:
4. Համալսարանի ամբիոնների գիտահետազոտական գործունեության հիմնական ուղղությունները կազմում են ԳՊՀ գիտահետազոտական գործունեության շրջանակը, որը հաստատվում է Համալսարանի գիտական խորհրդի կողմից, հինգ տարի ժամկետով:

II. Համալսարանում գիտահետազոտական գործունեության իրականացման հիմնարար սկզբունքները, նպատակներն ու խնդիրները

5. Համալսարանում գիտահետազոտական գործունեության իրականացման հիմնարար սկզբունքներն են՝
 - 1) դասախոսների, աշխատակիցների, ուսանողների գիտական-հետազոտական գործունեության ազատությունը, որը ներառում է իրենց հետաքրքրություններին և ստեղծագործական ունակություններին համապատասխան գիտահետազոտական թեմաներ ընտրելու, գիտահետազոտական աշխատանքի ձևերն ու մեթոդները որոշելու, գիտատեխնիկական, նորարարական գործունեությունն իրականացնելու եւ դրանց արդյունքները հրապարակելու ազատությունը,

- 2) դասախոսների, աշխատակիցների, ուսանողների գիտական-հետազոտական շարժունությունը,
 - 3) Համալսարանի գիտահետազոտական քաղաքականության հրապարակայնությունը,
 - 4) ՀՀ Գեղարքունիքի մարզի հիմնախնդիրների և զարգացման հիմնական ուղղությունների գիտական ուսումնասիրության խրախուսումը,
 - 5) հասարակական և բնական գիտությունների արդի նվաճումների հաշվառումը:
6. Համալսարանում գիտահետազոտական գործունեության իրականացման հիմնական նպատակներն են.
- 1) գիտության և կրթության ինտեգրումը, գիտահետազոտական գործունեության արդյունքների ներառումը բարձրագույն կրթական ծրագրերում,
 - 2) հայագիտության զարգացումը, հայ ժողովրդի պատմության, լեզվի, մշակույթի գիտական ուսումնասիրությունը, պահպանումն ու տարածումը,
 - 3) գիտական տեղեկատվության ազատ փոխանակման ապահովումը,
 - 4) Հայաստանի Հանրապետության գիտությունների ազգային ակադեմիայի ինստիտուտների հետ ԳՊՀ ամբիոնների համագործակցության ապահովումը,
 - 5) օտարերկրյա գիտական հաստատությունների հետ կապերի ստեղծումը, համատեղ գիտահետազոտական ծրագրերի իրականացումը,
 - 6) հետազոտական հմտությունների տիրապետող, մրցունակ մասնագետների պատրաստումը:
7. Համալսարանում գիտահետազոտական գործունեության իրականացման խնդիրներն են.
- 1) եվրոպական բարձրագույն կրթական և գիտահետազոտական տարածքի որակի չափանիշների հաշվառումը և ներդնումը,
 - 2) դասախոսների և ուսանողների գիտահետազոտական կարողությունների շարունակական զարգացումը,
 - 3) գիտահետազոտական գործունեության համար պատշաճ պայմանների ապահովումը,
 - 4) Համալսարանի հնարավորություններին համապատասխան՝ գիտահետազոտական, նորարարական գործունեության ֆինանսավորումը,
 - 5) գիտահետազոտական եւ նորարարական գործունեությունից ստացված արդյունքների առևտրայնացումը,
 - 6) անհատ հետազոտողների, հետազոտական խմբերի մտավոր սեփականության իրավունքի, հեղինակային և հարակից իրավունքների պաշտպանությունը:

III. Համալսարանում գիտահետազոտական գործունեության իրականացման հիմնական ուղղություններն ու կառուցակարգերը

8. ԳՊՀ գիտահետազոտական գործունեության իրականացման հիմնական ուղղությունները որոշվում են՝ հաշվի առնելով.

- 1) Հայաստանի Հանրապետության, մասնավորապես՝ Գեղարքունիքի մարզի սոցիալ-տնտեսական զարգացման առաջնահերթություններն ու դրանց գիտական ուսումնասիրության անհրաժեշտությունը,
- 2) գիտության զարգացման միջազգային միտումները,
- 3) Համալսարանի պրոֆեսորադասախոսական կազմի գիտական ներուժը,
- 4) ԳՊՀ ռեսուրսները, նյութատեխնիկական և ֆինանսական հնարավորությունները:

9. ԳՊՀ-ում խրախուսվում են հիմնարար և կիրառական բնույթի գիտահետազոտական աշխատանքները՝ հետևյալ գիտական ուղղություններով.

- 1) ֆիզիկամաթեմատիկական,
- 2) քիմիական,
- 3) կենսաբանական,
- 4) տեխնիկական,
- 5) էկոլոգիական,
- 6) գյուղատնտեսական,
- 7) պատմական,
- 8) տնտեսական,
- 9) փիլիսոփայական,
- 10) բանասիրական,
- 11) իրավաբանական,
- 12) մանկավարժական,
- 13) հոգեբանական,
- 14) սոցիոլոգիական և քաղաքական,
- 15) աշխարհագրական, երկրաբանական և երկրաբնապահպանական:

10. Համալսարանում իրականացվող հետազոտությունների գերակա ուղղությունները սահմանվում են երկարաժամկետ, միջնաժամկետ և կարճաժամկետ հետազոտական պլանների միջոցով, մասնագիտական ամբիոնների կողմից՝ ԳՊՀ գիտահետազոտական գործունեության շրջանակին համապատասխան:

11. ԳՊՀ-ում ուսումնական տարվա ընթացքում կազմակերպվում են գիտաժողովներ, որոնք ընթանում են լիազումար նիստերի և մասնագիտական բաժանմունքներում աշխատանքների միջոցով:

12. ԳՊՀ տարեկան գիտաժողովի այն զեկուցումները, որոնք երաշխավորվում են խմբագրական խորհրդի կողմից, սահմանված կարգով հրատարակվում են Համալսարանի գիտական հոդվածների ժողովածուի հերթական համարում:

13. ԳՊՀ գիտական հոդվածների ժողովածուի խմբագրական խորհուրդը գործում է Համալսարանի գիտական խորհրդի կողմից սահմանված կարգով՝ ՀՀ օրենքներին, ԳՊՀ կանոնադրությանը և սույն Հայեցակարգին համապատասխան:

14. Համալսարանի գիտական խորհուրդը սահմանված կարգով պրոֆեսորի և դոցենտի գիտական կոչումներ է շնորհում ԳՊՀ աշխատակիցներին, որոնք հաշվի են առնվում ԳՊՀ-ի կողմից՝ աշխատավարձերը հաշվարկելիս, նյութական և բարոյական խրախուսման միջոցների կիրառելիս:

15. Յուրաքանչյուր ուսումնական տարվա վերջում մասնագիտական ամբիոնները ներկայացնում են հաշվետվություններ կատարված հետազոտությունների, գիտական զեկուցումների, ստացած գիտական կոչումների վերաբերյալ, որոնք հրապարակվում են:

16. ԳՊՀ-ում գիտահետազոտական գործունեությունը կարող է ֆինանսավորվել հետևյալ միջոցներով.

- 1) Համալսարանի բյուջեի հաշվին,
- 2) Հայաստանի Հանրապետության պետական բյուջեից,
- 3) դրամաշնորհային ծրագրերի միջոցներից,
- 4) վճարովի փորձագիտական, կրթական և այլ ծառայություններից ստացված եկամուտներից,
- 5) ձեռնարկատիրական գործունեությունից ստացված միջոցներից,
- 6) գիտական արդյունքի իրացումից գոյացած միջոցներից,
- 7) ՀՀ ֆիզիկական եւ իրավաբանական անձանց նվիրատվություններից և նվիրաբերություններից,
- 8) օտարերկրյա քաղաքացիների, միջազգային կազմակերպությունների նվիրատվություններից և նվիրաբերություններից,
- 9) այլ պետություններից ստացված ֆինանսավորումից,
- 10) օրենքով չարգելված այլ աղբյուրներից ստացված միջոցներից:

17. Գիտահետազոտական գործունեության համար Համալսարանի բյուջեում նախատեսված ֆինանսական միջոցները հաստատվում են ԳՊՀ հոգաբարձուների խորհրդի կողմից:

18. Գիտահետազոտական գործունեության համար ԳՊՀ բյուջեից և արտաբյուջետային միջոցներից կատարված տարեկան ծախսերի վերաբերյալ հաշվետվությունը Համալսարանի ռեկտորը ներկայացնում է հոգաբարձուների խորհրդին՝ ընդհանուր ֆինանսական հաշվետվության հետ միասին:

19. ԳՊՀ գիտահետազոտական գործունեության տարեկան ծախսերի վերաբերյալ իրականացվում են համապատասխան վերլուծություններ, հրապարակվում են արդյունքները:

20. Գիտահետազոտական աշխատանքի իրականացման հնարավորությունների վերաբերյալ Համալսարանի ուսանողների և պրոֆեսորադասախոսական անձնակազմի շրջանում իրականացվում են հարցումներ, որոնց արդյունքները

վերլուծվում են, հրապարակվում, քննարկվում ԳՊՀ գիտական խորհրդում՝
բարելավման միջոցներ ձեռնարկելու նպատակով: